

立杜賣盡根山宅契字人，南投廳南投堡施厝坪庄施成。有承祖父遺下山宅壹所，坐落南投廳南投堡施厝坪庄，字名林仔庄崙北畔。東至洪家畑石釘界；西至自己侄施賢山宅嶺心石釘界；南至崁頭施卻坪埔界；北至坑底分水界。四至界址明白。今因乏金費用，情願將此山宅出賣，時托中引就向於南投廳武東堡施厝坪庄，土名施厝坪陳煥光出首承買，當日全中三面議定時執杜賣盡根山宅價金四拾圓正。其金即日全中交收足訖，其山宅隨即踏明界址，交付買主前去掌管，栽種樹木菓實，永爲己業。自此一賣終休，割籐兩斷。後日價值多金，成子孫永不敢言及找贖，生端滋事。但此山宅係是業主權尙未確定，若日後不能確定，成當時他處業主權確定之山宅，照買契界址內相當價額對換，付與買主掌管爲業。此係二比甘愿，各無抑勒反悔。口恐無憑，立杜賣盡根山宅契字壹紙，付執爲炤。

即日全中親收過杜賣盡根山宅契字金四拾圓正完足，再炤。

代書人 林榮（林榮）
爲中人 施卻（施卻）

明治四拾四年七月貳拾五日

立杜賣盡根山宅契字人 施成（施成）

